

115 年全國語文競賽臺灣原住民族語言朗讀文章 【邵語】 國小學生組 編號 2 號

shuntaam kinalhi'anak numanuma wa lhungqizi

zin-huu tusuqin pasain suq-qaa qlhup, kinalhi'anak lhungqizi a
kalankan pinu'apaw tmusuq shkaful farifariwan a thau antu lhai suma wa
thau suq-qaa qlhup.

antu lhai fariw aniamin a thau suq-qaa, tmusuq sa farifariwan, thuini
puqthaan faqlhu a qbit, ianan miqilha wa farifariwan, fariwin lhmir, rinishup
aniamin a farifariwan, pitu athan tusuqin farifariwan puqthaan makthin
shpaat athan, makthin madaru a fariwfariwan palhaqtuan, inai 2018 kawash
tata furaz tata qali araiza kmalawa.

mara suq-qaa qlhup fariw aniamin mathuaw pararabaza, pidazah
kmathu aniamin, kanuniza thuini a thau a'inanuru zin-huu piaharan kitataan
isai pitu mara'in a athan tmusuq farifariwan lhai suq-qaa qlhup, miazai fariw
lhmir farifariwan, shiz aniamin, 3C aniamin, patashan, patatash a
farifariwan, flhuqan hulus a farifariwan, miqilha shnir a farifariwan, baruku
aniamin a farifariwan numanuma.

shduu muntal iakin piaqitan pruuq a thau qa? pashtay munai shuntaam
ananak ininthewan lhungqizi sa pruuq, put'uka suq-qaa numa mushnaw
ananak a pruuq, mihala ananak ininthewan undaudauk kmalawa, put'uka suq-
qaa wa shana'ukaiza, pidazah piaqitan pruuq.

shuntaam lhungqizi numanuma wa ininthewan qa? mihala ananak
kmathu kakthi, baruku pasain kulambit, piaruruun farifariwin a qlhup,
pararabaza maduhray shuntaam numa lhungqizi pruuq pinqitan sa
ininthewan.

mashtay mushnaw a ininthewan a pruuq lhungqizi naam a ruq, shduu
minmatingaran a thau.

115 年全國語文競賽臺灣原住民族語言朗讀文章 【邵語】 國小學生組 編號 2 號

響應環保

政府推出 14 類店家限制塑袋之使用，新增七大業別限制塑袋，藥妝、醫療器材、3C 通訊、文具、洗衣、手搖飲、麵包業暫者不得提供塑袋，飲料業看法兩極，認為民眾已習慣塑袋購物，有店家提供環保杯袋，提供消費者重複使用。

響應環保、減塑、愛地球，先從生活中培養減塑習慣，落實環保、友善環境，隨身攜帶環保杯筷、手帕、購物袋，輕鬆的響應環保綠生活，為自家環境保護盡一份心力，做個快樂環保小尖兵！